

東
華
續
錄

東華續錄

同治四十八

臣王先謙敬編

臣張式恭恭校

六月甲午朔增設安徽安廬滁和道分巡安慶廬州二府滁和二直隸州改鳳廬潁道爲鳳潁六泗道分巡鳳陽潁州二府六安泗二直隸州仍兼鳳陽關監督撤徽甯池太廣道暫加按察使銜增設渦陽縣知縣一駐雉河集移鳳臺縣於下蔡鎮並於宿州龍山增設遊擊一隸壽春鎮○推廣旗人赴各省營生例○乙未上詣大高殿祈雨○諭刑部將情罪較輕人犯分別減等寬免○丙申諭軍機大臣等會國藩奏請調馬隊官兵到皖助剿吳昌壽奏豫軍攻克廖樓翼李莊賊寨直抵義門張曜等進剿獲勝各摺片僧格林沁營中馬步各隊疊經有旨令赴會國藩軍營妥籌分

布並諭令將擬畱山東之勇丁四千名酌畱兩營由閩敬銘統帶
餘著撥交會國藩調遣嗣據閩敬銘奏馬隊毋庸畱東復經諭令
一併調皖協剿由會國藩等體察情形妥籌調度卽撥歸吳昌壽
喬松年之兵該大臣亦可斟酌緩急一律檄調托倫布等會否帶
兵赴豫著吳昌壽催令迅赴會國藩軍營聽候調遣溫德勒克西
等馬隊著會國藩查明相機調派並催劉銘傳等速行赴援毋稍
遲緩英翰因雉河被圍退至西陽集見在各軍會否漸集雉河營
盤能否固守著喬松年嚴飭英翰等疏通餉道設法解圍如雉河
有失定惟英翰是問豫軍進剿獲勝擒斬擒首廖和尚攻克廖樓
龔李莊已抵義門距雉河不過數十里張曜宋慶等軍分投進擊
獲勝頗有擒斬著吳昌壽督飭該總兵等乘勝進剿會同江皖各
軍力解雉河之圍務各迅速進兵以成三省會剿之局如有遲延

退縮卽著曾國藩等指名參奏毋稍姑息如賊因被勒西竄曾國藩喬松年吳昌壽兼須酌派勁軍於皖豫各境嚴行遏截官文前奏調飛虎四營赴豫已至何處卽著催令趕緊入豫歸吳昌壽調遣姜玉順辦理蔣凝學所部憤勇能否竣事成大吉等軍見紮何處賊匪恐被擊南趨鄂省防務未可鬆勁著官文妥爲布置毋令竄越將此由六百里各諭令知之○以 文宗顯皇帝 孝德顯皇后梓宮永遠奉安諭止蒙古王公等來京叩謁○諭各直省速結京控案件○曾國藩奏請收回節制三省成命得旨仍遵前旨毋再固辭○丁酉諭內閣前因華豐等奏會審降調翰林院編修蔡壽祺所供各詞與劉蓉原奏不符請飭下四川總督詳查具奏以憑覈辦當經降旨諭令崇實駱秉章據實查覆茲據崇實等奏查明各緣由據實覆奏一摺仍著原派王大臣華豐等查覈辦理

○諭駱秉章奏廣東省墳山禁步請飭遵照例定丈尺辦理以杜爭端一摺四川總督駱秉章本籍廣東花縣有前明所葬祖墳同治二年正月閒該縣文生鄧輔廷於切近墳旁盜葬骨壇三穴經該族眾控縣清理該地方官並未丈量奉行擬結復經駱秉章咨明廣東巡撫嚴實查辦旋據郭嵩燾咨稱該省通行章程無稅官山塋葬以穿心四丈爲限計由墳心量數至邊每面實止一丈鄧姓原開墳穴在該督祖塋一丈以外照依章程無可科罪駱秉章復咨查禮部刑部嗣據各該部咨稱定例庶人塋地九步穿心十八步凡發步皆從塋心數至邊鄧輔廷盜葬該督祖塋之處係在例文禁步之內應照例科罪是郭嵩燾所稱該省見行章程係與禮部定例不符廣東省多有無稅官山與別省情形不同墳塋禁步自應恪遵定例辦理若概用本省章程以前後左右各得一丈

爲準恐倚勢侵占者得所藉口盜葬之風益熾流弊伊於胡底著
瑞麟郭嵩燾申明舊例通飭各屬嗣後審斷墳山案件無論官民
均照例定禁步爲限毋得率以本省定章定讞以致爭端難息流
弊滋多並著該督撫將鄧輔廷盜葬之案迅卽按照定例丈尺覈
實定擬具奏不准稍涉回護尋奏遵覆駱秉章咨查祖墳侵葬一
案經花縣押還事已了結粵東每以侵葬訐訟擬請飭部覈准凡
有力紳民照依山糧科則詳報升科立案卽准作爲私地管業並
照例定步數開拓墳塋其未經呈報者仍照省例科斷無論紳民
均以橫直二丈之內不准進葬爲率至粵東地師專向官山尋穴
以圖固利已飭花縣責成生員鄧輔廷交出地師從嚴懲究以清
弊端下部議從之○諭軍機大臣等官文奏鄂省見辦防守請將
常星阿等馬隊調回楚疆並密陳各路勇丁情形等摺據稱前派

飛虎四營尅日赴豫該營於奉檄後沿途遲滯又復枝梧不欲前進細察情形亦不可遽令前往惟有趕緊遣散以節糜費等語飛虎四營既不願赴豫卽令勉強從事亦難期其得力著卽分別遣撤安置惟不可令其沿途生事致貽他省之患吳昌壽見已開招豫勇著卽認真訓練並將綠營兵丁妥爲簡練務使一兵得一兵之用如須調何省知兵將領卽著指名檄調以資臂助常星阿溫德勒克西等馬隊已交曾國藩等調遣皖省軍務方殷需用孔亟未便調回楚境著官文就見有兵力大加整頓以防逆蹤竄越姜玉順一軍令駐黃安麻城距豫切近如豫省有警卽檄令出境會剿不得任令觀望致誤戎機將此由五百里各諭令知之○諭恩麟奏探查關外回匪變亂情形並嘉峪關城經民勇收復及狄河回匪勢已窮蹙亟應攻取老巢成祿等奏請飭楊岳斌先派十營

交成祿統領並請飭雷正綰迅檄譚玉龍帶兵前來進剿各摺片
狄河回匪前在安定被創窮蹙自應乘機攻取老巢嘉峪關雖經
收復而羣賊萃於肅州城內出關之路尙未疏通是甘省軍務在
在均關緊要楊岳斌前已行抵涇州著卽督飭所部馳赴蘭州將
各路軍情通盤籌畫酌派兵勇進取狄河回匪老巢迅將州城克
復成祿等奉旨西征責無旁貸著俟楊岳斌抵省後迅卽督同聯
捷馬隊進取肅州疏通道路乘勝出關剿辦以副委任如兵力不
敷著楊岳斌撥兵助剿雷正綰前撥六營尙有四營未到仍著該
提督速飭譚玉龍管帶四營前赴成祿軍營以資進剿川兵幫辦
營務處之陳慶有及鶴齡行營親兵六十餘人最爲狡猾畱於軍
營殊屬無益卽著成祿將陳慶有等弁兵遣撤回川歸伍安西玉
門敦煌等州縣回匪變亂並民勇收復嘉峪關詳細情形著楊岳

斌確切查明據實具奏陶茂林奏勇因索餉潰散賊卽乘虛撲營自請治罪一摺營勇潰散是否因欠餉過多抑或因該營弁尅扣侵蝕所致仍著楊岳斌恪遵前旨確查具奏俟奏到時再降諭旨將此由六百里諭知楊岳斌雷正綰成祿並傳諭恩麟知之○護陝甘總督恩麟奏北路降回復謀不軌見經鎮臣曹克忠殄戮無遺得旨仍著飭令曹克忠隨時訪察妥爲防範不可稍涉大意又奏查閱陳墉兩次稟函皆以肅城之變由官民激成恐係逆回授意詭詞緩兵俟查明再行具奏批仍著確查起事實情並嚴拏陳墉到案訊究○予甘肅陣亡副將胡海萬等祭葬世職○戊戌廣江西安福縣學額五名上饒三名○己亥諭軍機大臣等瑞麟郭嵩燾奏髮逆竄入鎮平縣城調軍進剿暨靈營叛勇竄擾南雄信豐地方見籌剿辦及粵省軍餉竭蹶萬難協濟甘餉各摺片孫長

紱奏遵覈協甘餉數乃

防剿情形各摺片鎮平解圍復被濫

逆等股闌入賊勢驟張

覓派黃添元鄧奮鵬及卓興等軍扼

紫龍和長樂要隘飭李福泰駐紮嘉應策應方耀等聯軍進取徐
圖恢復鎮邑所籌尙妥卽著督飭各軍實力防剿截其旁竄之路
一俟援兵齊集卽行會同進擊聚而殲旃左宗棠當迅催閩軍入
粵會合粵省兵勇兩面夾擊盡掃賊氛不得以賊已出境遂置粵
事於不顧孫長紱所派之席寶田王開琳兩軍均已到贛卽著飭
令擇要嚴防如粵賊竄近邊境卽行迎頭截擊不准稍有疏虞鎮
平文武下落著瑞麟郭嵩燾查明具奏至郭松林楊鼎勳兩軍見
在行抵何處瑞麟等所奏咨調蘇軍由潮嘉一路進防江楚及孫
長紱奏請俟該兩軍到江咨商左宗棠調撥之處是否可行著左
宗棠李鴻章斟酌調派毋失機宜如郭松林等業已赴蘇應如何

添派勁兵赴粵赴江防剿卽著左宗棠妥籌兼顧不得稍分畛域
霆營叛勇竄至南雄信豐地方萬一與漣逆等股合併一處爲患
甚巨鮑超因傷病舉發疊經有旨嚴催尙未據奏報起程瑞麟等
惟當督飭朱國雄等就見有兵力視賊所向跟蹤追剿以靖地方
瑞麟等所奏粵省軍餉竭蹶楊岳斌請撥釐金目前萬難協濟等
語自係實在情形第甘省地瘠民貧軍餉萬分支絀瑞麟等仍當
力爲其難設法源源接濟不准稍涉推諉孫長紱奏每月協濟甘
餉二萬兩尙須俟防務稍鬆以後若他省悉皆如此甘餉終恐無
著仍著劉坤一孫長紱寬爲籌畫隨時協撥不准以本境防務爲
詞膜視甘餉將此由六百里諭知瑞麟左宗棠李鴻章劉坤一郭
嵩燾並傳諭孫長紱知之○諭德勒克多爾濟等奏花馬池等處
賊勢猖獗防兵力單請飭都興阿兼嚴後路之防一摺花馬池等

處界連蒙古邊牆逆匪盤踞該處爲數過多復由靈州竄出數千均在附邊聚集必須趕緊剿除方免蔓延別境德勒克多爾濟等見調伊克昭盟官兵協防歸綏本境沿河口岸並令駐紮托密諾爾之烏蘭察布盟官兵五百名豫備調遣爲渡河進剿之用惟蒙古官兵未習戰陣本難得力設有緊急該將軍等仍當添調歸綏兩城官兵嚴密防剿毋稍疏懈至歸綏防兵力本單薄陝甘邊外蒙兵亦不足恃設該匪由草地東竄或由陝省邊內向東滋擾恐完善地方又被蹂躪都興阿統率全軍剿辦甯夏股匪是其專責此股逆回本由甯靈敗竄沿邊之花馬池定邊及依勒圖呼克依等處盤踞肆擾著卽責成都興阿穆圖善將此股賊匪奮力剿洗以期肅清後路儻令賊蹤竄入鄰境致剿辦又形棘手惟都興阿穆圖善是問恐該將軍等不能當此重咎也定邊爲陝境衝要地

方劉蓉見派段登雲在彼防守仍恐兵力不敷著劉蓉趕緊添調得力將士馳往防剿其由定邊迤東沿邊空虛之處亦須添兵防堵毋稍疏忽並著楊能格督飭在防官兵合力夾擊雷正綰剿辦甯靈賊匪自當將該逆就地殄盡不得以驅賊他竄爲了事儻仍縱令靈州賊股續竄花馬池等處則該提督咎亦難辭懷之愼之緩遠城及晉陝沿邊一帶如有應行添兵防堵之處著沈桂芬酌量情形辦理並著阿克敦布廉至於察哈爾沿邊等處豫行派撥官兵籌備防範將此由六百里諭知都興阿穆圖善雷正綰德勒克多爾濟桂成沈桂芬劉蓉阿克敦布廉至並傳諭楊能格知之○嚴諭各直省督撫甄別牧令○四川匪徒何紹先等謀叛被獲伏誅○陝西巡撫劉谷奏派兵赴定邊一帶防剿及屢擊竄回獲勝得旨著嚴飭段登雲等會同各營認真剿洗如果賊勢猖獗卽

著添兵協剿毋令闖入陝境○庚子諭軍機大臣等喬松年奏奪
回高鑑集要隘並攻克張圩賊壘一摺高鑑集爲雉河後路要隘
張圩又爲高鑑集之羽翼乃賊所必爭之地經喬松年督飭張得
勝等奮力進攻均卽克復辦理尙爲得手著卽飭令英翰張得勝
等進兵迅解雉河之圍雉河糧道已通自應派兵協同守禦以期
萬全無失俟各路援軍並集卽可內外夾擊共殄逆氛前據吳昌
壽奏張曜等軍於克復廖樓等集後直抵義門茲據喬松年奏該
軍尙爲賊阻著吳昌壽嚴飭張曜宋慶等設法前赴義門解圍副
將劉先文仍著喬松年飭令堅守待援毋稍鬆懈會國藩諒已駐
軍臨淮著催齊劉銘得張樹珊等軍約期進攻務將雉河逆壘悉
數掃除並須豫計賊竄之路派兵布置如逆股由皖豫竄突喬松
年吳昌壽當督率在事員弁實力遏截儻有疏虞惟該撫等是問

將此由五百里各諭令知之○諭成祿恩麟奏進剿紅圈等處賊匪獲勝攻毀賊巢並請將帶兵失利之署總兵梁生嶽摘頂各招片紅圈賊氛距省甚近經官軍進剿攻毀賊巢敗匪竄至中衛靖遠交界之石峽子鎮罕頭一帶梁生嶽一軍又在中衛之勝金關等處接仗失利中衛之匪一日不除於甯夏軍情終形掣肘著雷正綰懷遵前旨迅由中衛節節進逼掃蕩逆氛並著都興阿穆圖善懷遵疊次寄諭迅將甯夏郡城剋日攻拔轉戰而前以收兩路夾攻之效恩麟仍督飭派出之鶴齡等軍將紅圈竄出敗匪悉數殄除毋任一名漏網中衛帶兵失利之署甯夏鎮總兵梁生嶽未能妥籌守禦雖因賊眾兵單所致究屬咎有應得著摘去翎頂以示薄懲楊岳斌前已行次涇州著卽懷遵前旨馳赴蘭州將各路車情通盤籌畫妥爲辦理將此由六百里諭知都興阿穆圖善雷

正綰楊岳斌並傳諭恩麟知之○伊犁將軍明緒奏報回匪互相
句煽巴燕岱城被攻危儉得旨此所奏係巴城未陷以前之事
與見在情形不同一俟兵力漸集該將軍仍當設法規復該城以
通糧路○沈桂芬賞假省親以王榕吉暫護山西巡撫由布政使護理○
予甘肅陣亡協領拴林祭葬世職○壬寅諭軍機大臣等武隆額
奏塔城回匪變亂戕官刦庫見在調兵援剿立解城圍一摺塔城
回匪變亂搶劫庫存軍械戕害參贊等官糾眾圍撲城垣勢甚猖
獗武隆額甫莅斯地竟能以數百飢疲之兵登陣固守並調集蒙
古援兵聯絡團眾奮力夾擊立解城圍忠勇可嘉卽著督飭在城
員弁兵勇並調到援軍相機進剿將禮拜寺回匪悉數殲除以靖
疆圉第該匪人數甚眾且恐哈薩克安集延附回各匪乘虛襲城
武隆額尤當穩慎圖功不可恃勝輕進是爲至要轉世喇嘛棍噶

扎勒參率兵援塔轉戰無前其勇往之忱實堪嘉尚應如何優加獎勵之處著與此次在事出力人員一併查明迅速具奏候旨施恩以示賞不踰時之意前據廣鳳奎昌奏由綏遠城解到伊犁餉銀五萬兩又據明誼奏新疆餉銀除陸續解往科城並分撥各城外餘存銀五萬兩專備伊犁兩城迎提各等語見在伊犁塔爾巴哈台軍情均甚緊急非有鉅款餉項不足以勵眾志而解倒懸著明緒武隆額各派委員帶兵前往科城迎提餉銀廣鳳奎昌酌派兵弁妥爲護送明誼等趕將餘存銀五萬兩速卽運解赴科交廣鳳奎昌源源設法分解伊犁兩城以資接濟毋得稍有遲誤將此由六百里各諭令知之○予塔爾巴哈台被戕參贊大臣錫霖領隊大臣博勒果素暨章京富勒斐音圖等祭葬世職如陣亡例○癸卯諭內閣前因會國藩李鴻章奏請將江蘇太倉鎮洋二州縣

漕糧改徵折色當交戶部妥議具奏茲據該部遵議覆奏漕糧爲
天庾正供定例不准輕議改折近來江西湖北等省雖有改徵折
色之案亦出於一時權宜究非經久之法況江浙所運粳米堅緻
耐久尤非江廣諸省之稔粟可比非此不足以供儲蓄且江浙漕
額業經加恩分別酌減計每歲減運之米已不下七十萬石即使
全漕起運京倉所入已大減於前自不應再議改折致倉儲復形
短絀卽謂太倉鎮洋二州縣產米較少而該二屬向徵正耗米九
萬餘石今已減去賦額三分之一止徵正耗米六萬餘石民力已
紓自應照常起運以符舊制所有該督撫請將太倉鎮洋二屬改
徵折漕之處著毋庸議○廣四川眉仁壽洪雅三州縣學額各二
名簡崇慶綿竹南充廣安三臺中江蓬溪名山宜賓富順邛大邑
瀘合江十五州縣各一名○甲辰諭軍機大臣等喬松年奏豫軍

連破賊壘力解義門之圍並皖軍攻復江口集一摺所辦均尙得
手會國藩已到臨淮周盛波劉銘傳已抵蒙宿該大臣飭由龍山
石弓山進取著喬松年吳昌壽督飭英翰張曜等會合淮軍約期
進攻前諭會國藩檄調山東馬隊諒已調到著卽安爲布置以便
馳勦賊眾一經擊敗必圖分竄潁亳一帶尙嫌空虛必須豫爲部
勒使該逆進不可勝退無所歸自無難一鼓殄滅義門解圍詳細
情形著吳昌壽查明具奏將此由五百里各諭令知之○乙巳諭
軍機大臣等有人奏黔省吏治敗壞由於督臣勞崇光撫臣張亮
基各存意見措置乖方所致勞崇光以黔事非其專責徒事顧預
張亮基治兵治吏忌刻多私任聽其子張臚壽及湖南降補通判
陸傳應之子陸佑勤朋比爲奸專擅威福以林自清爲義子諸事
徇庇林自清窮兇極惡所帶之練姦淫擄掠無所不至商紹祖係

勞崇光巡捕委署仁懷廳缺縱令門丁周天源姦淫苛索並不參
撤定番州缺出張亮基則以失守城池之德慶委署到任後復兩
次失守沈西序於大定失守棄城脫逃張亮基輒准其養病回籍
等語勞崇光張亮基膺朝廷簡任之重宜如何勉竭公忠力圖報
稱若如所奏各節殊屬大負委任貴州教民一案勞崇光前已辦
結著卽懍遵疊次諭旨趕緊馳赴滇省會同林鴻年籌畫進取毋
得觀望遷延並不准以守候銀兩勇丁爲詞稽留黔省自干罪戾
勞崇光前因任用私人獲咎豈可復蹈故轍所有商紹祖前在仁
懷廳劣蹟卽著據實查參毋稍徇隱林自清前由川省撤遣回黔
解其兵柄藉杜亂萌張亮基因係義子復用林自清招聚練勇該
總兵本係獷悍之徒所部練勇又不諳紀律擾害居民張亮基旣
能招之使來自不難麾之使去著卽飭令林自清將所帶各練安

爲遣散悉數歸農如敢滋生事端或日復一日不能遣散惟張亮基是問並著傳諭該總兵破除積習勉爲良將見在軍務未竣需材甚殷毋得自暴自棄致不能保全始終也疆吏子姪干預公事最足滋流弊而壞官常張臚壽旣招物議豈可仍畱黔省著張亮基迅卽飭令回籍陸佑勤如非該省職官卽著驅逐出境德慶沈西序失守情形並著查明參奏又有人奏普洱思茅各府廳見已收復事機可乘亟須督撫大吏赴滇逐一妥辦等語著將原摺鈔給勞崇光閱看摺內所陳四條該督當斟酌見在情形妥籌辦理將此由六百里各諭令知之○諭駱秉章奏遵覆臬司赴黔礙難查辦並被參督撫情形確實一摺本日已有寄諭先令勞崇光速行赴滇並責令張亮基將林自清練勇先行遣散矣大定遵義旣多阻隔著駱秉章卽飭劉嶽昭援黔之軍疏通道路實力進剿將

遵義大定等處匪徒一律殲除以期與貴州省城消息相通劉嶽昭兵力餉需不足均著該督力籌協濟毋任缺乏趙長齡卽准其暫緩赴黔貴州近日情形駱秉章隨時探奏以聞勞崇光前已覆奏籌兵赴滇今又有旨嚴催自不敢稍事耽延林鴻年身任滇撫豈容安坐川省一籌莫展著懷遵疊次諭旨迅赴東昭一帶相機辦理若再畏葸遷延定當重治其罪前有人奏滇省應辦事宜如籌銅本撥省兵等條是否可行著林鴻年妥爲辦理原摺著鈔給林鴻年閱看將此由六百里各諭令知之○增設四川貢院號舍一千間添設同考官換卷官各二彌封謄錄對讀官各一○丙午雨 上詣 大高殿報謝○諭軍機大臣等吳昌壽奏豫軍進剿倪村店獲勝攻克程家園等處賊寨雉河解圍撤兵回防歸陳各摺片雉河賊匪因張曜等軍節節進剿皖軍亦由高鑪集進剿獲

勝該逆兩面受敵力難支持逆首賴汶洗李允牛落紅等退至雒
河西南張村鋪任柱張總愚退至雒河西北劉奶奶廟雒河重圍
立解該匪被剿窮蹙難保不竄赴豫東或由光固潁六一帶窺伺
鄂疆吳昌壽見已檄調張曜陳國瑞等軍分撤歸陳以防邊境著
卽督率該總兵等實力堵禦毋令賊蹤闌入並著官文鄭敦謹迅
速派兵嚴扼皖鄂邊界閭敬銘分布兵勇力扼曹郡以固邊境喬
松年嚴督英翰諸軍截擊力杜旁竄鄰疆以免紛擾前經諭令吳
棠酌撥兵勇進顧皖境著卽飭令派出將士進遏徐宿一帶毋任
賊匪東竄徐郡至曾國藩節制三省各路軍營均歸調度自當統
籌全局將賊匪全股從遠處四面兜圍使重疊網羅不能衝突方
足制其死命著卽嚴檄各營馬隊及劉銘傳等軍迅速追剿一面
分兵繞前截擊以杜紛竄京餉待用孔亟關繫緊要吳昌壽仍當

將河南應行解京之餉銀十五萬兩派員起解不得截留本省所有豫營應用餉銀前據國瑞奏僧格林沁糧臺畱存歸德陳州兩處餘款各二十萬兩著查明已動用若干餘著會國藩吳昌壽將此項存款提用十五萬兩接濟豫餉該撫所調諳練造礮之火器營空花翎永安等十一員名並請畱銅噴礮二尊著卽咨明玉亮辦理將此由六百里各諭令知之○以侵蝕官項奪貝子載華奉恩輔國公恩弼世職仍圈禁二年○丁未諭軍機大臣等林鴻年奏川餉不撥勢難輕進請先紮川滇邊境暨請派員辦理糧臺並鎮雄失守旋即收復等摺片滇省糜爛已久自思茅普洱克復後尙屬有機可乘林鴻年自應懷遵疊次諭旨迅赴滇境以便就近調度惟所陳餉糈支絀亦係實在情形見在欲籌滇餉非由川協濟更無別策是以屢經諭令駱秉章隨時量爲接濟該督素顧大

局斷不至置滇事於不顧著仍遵前旨先籌給銀數萬兩俾林鴻年得以起程前進嗣後仍每月設法源源接濟俾無缺乏林鴻年卽迅赴昭通裹糧前進分撥各軍士次第辦理庶期滇事日有起色所陳治滇回在先勦後撫馭滇練在先恩後威該撫到滇後卽可次第見諸施行方不至空言無補道員楊重雅沈壽榕旣據林鴻年稱其可用卽著交該撫差委以資臂助賊撲鎮雄州城署參將張兆綬防禦不力以致失守經李廷忠調集團練將州城克復張兆綬身在城中不能嬰城固守攜眷先出北門以致失事是否尙有別項致寇劣蹟著勞崇光林鴻年查明參奏李廷忠雖有地方之責惟州城失守之時該知州並未在城聞警馳回將州城克復尙與尋常失守者不同著從寬免其置議仍著責令督率團練將城內逸出之匪迅速殲除以靖地方出力團眾著林鴻年擇尤

請獎母許冒濫該州文武下落並查明具奏勞崇光身任兼圻屢
經諭令赴滇且徵兵籌餉尙不至如林鴻年之難仍著懷遵前旨
迅速起程馳赴迤東與林鴻年籌商辦理不得遷延貽誤致干重
咎將此由五百里各諭令知之○諭六月初二日接到明緒四月
十五日摺報當經諭令總理各國事務衙門及戶部速議具奏初
七日又接明緒四次摺報已明降諭旨將協領達春泰等優獎矣
伊犁城中米薪全賴巴燕岱金頂寺各城接濟見在金頂寺被匪
占踞巴燕岱亦經失陷伊城局勢岌岌可危明緒惟當督飭額騰
額崇熙等就見有兵力激勵拊循認真防剿該將軍自到任以後
堅忍苦守深得軍民之心竟能以少擊眾實堪嘉尙其屢次打仗
出力之員弁兵勇卽著查明保奏候旨施恩巴燕岱失守情形明
緒前報尙未遞到仍著將詳細情形據實具奏昨據武隆額奏錫

霖博勒果素已被石金斗米慶等誑至城外寺內遇害該掌教等
心甚叵測如敢再至伊城明緒必當將其拏辦以免再墮奸計又
據奏塔城業已解圍明緒所派援塔之布爾和德即可檄令調集
援兵察看伊犁等處何路軍情緊急相機勦辦綏定等西五城仍
著督飭該城員弁極力守禦據明緒奏鐵色克正言拒絕回匪意
欲借附俄兵之便率領哈薩克前來助剿藉圖轉圜等語鐵色克
哈薩克是否可靠明緒當於籠絡之中寓防範之意本日據總理
各國事務衙門奏遵議伊犁假道運餉及借兵助剿情形已向俄
國公使面商假道運餉該公使業經允諾明緒續到摺報數件卽
係由俄國送來並據俄國使臣聲稱該國邊界官咨報科布多餉
銀已由伊犁派員由俄境迎提雇覓俄人駝隻運送等語是借道
運餉一節該公使尙無異議卽著將此項餉銀是否已由俄境起

解見在辦理情形由五百里迅速具奏戶部前後奏撥新疆餉銀共一百三十五萬兩內專撥伊犁軍餉銀二十萬兩見因軍務緊要復奏撥山東河南地丁項下欠解元年京餉銀各十萬兩本日業經諭令閻敬銘吳昌壽迅速籌解其前撥餉銀亦諭令直隸四川湖廣總督山東山西河南湖北各巡撫次第籌解以濟要需矣所有撥定各省之餉如陸續解到科城卽著廣鳳奎昌迅速知照明緒派員迎提由俄境臺站運送如中國臺站道路已通卽仍由舊道行走以期迅速至哈薩克助回爲虐自毋庸再議安插卽著該將軍等隨時察度情形相機妥辦見在俄國臺站旣允帶遞公文所有此次寄諭一分及明緒所查疊次批發各件暨所降諭旨除交兵部由中國臺站照舊遞送外並令軍機處將本日寄諭另繕一分並將歷次批發各件另繕清單一件封交總理各國事務

衙門加封轉交俄國公使用俄文加封由兵部發交恰克圖送交
俄國臺站轉遞伊犁明緒此後摺報亦可照此辦理一分由中國
臺站馳遞一分由俄臺站轉遞以免遲延遺失塔城雖已解圍見
在圖卡臺站能否照舊遞報並著明緒武隆額隨時察看情形斟酌
籌辦將此由六百里各諭令知之○戊申諭軍機大臣等閻敬
銘奏見飭馬隊兵勇赴徐並裁減步勇籌辦礮船請飭傅振邦前
赴軍營各摺片畱東馬隊該撫見飭由兗赴徐聽候調遣步勇遣
撤一千名酌畱一千名所設礮船因北方木料工匠一切異宜擬
在清淮購買以久習之戰艦爲新設之水師所籌尙屬周妥卽著
照所擬辦理東省伏莽最多尤應嚴密接捕以清盜源而靖地方
著閻敬銘督飭各路防軍認真接緝並飭各該地方官加意拊循
庶幾潛移默化不至再滋事端潘鼎新淮勇全軍卽日可抵濟甯

此軍餉項本諭令直東兩省分籌解濟見在該軍旣駐濟甯該撫尤應竭力措撥源源接濟儻因餉需不繼致令潘鼎新一軍譁潰滋事必惟閻敬銘是問雉河賊匪竄至柘城等處該撫見飭王心安曹正榜各營於曹單一路扼要嚴防如兵力尙嫌單薄應如何添撥勁旅協同守禦力遏該逆紛竄之處著閻敬銘相機辦理傳振邦不敢自耽安逸求賞軍營差使著閻敬銘傳知該提督前赴曾國藩軍營聽候差遣將此由五百里諭令知之○諭瑞麟郭嵩燾奏匪眾尙踞鎮平見籌合剿霆營叛勇復由江竄粵派軍剿辦情形各摺片凍逆盤踞鎮平官軍疊於五星橋等處獲勝並將九嶺茶園一帶賊巢掃蕩辦理尙爲出力惟該逆以敗殘之餘欲爲困獸之鬪出其悍黨四路牽掣非厚集兵力不足制其死命瑞麟等見將毗連鎮平各要隘密布兜圍江閩諸軍亦分紮交界地方

著卽督飭諸軍迅將大柘石正之賊先行掃除然後以全力進攻
凍逆郭松林楊鼎勳二軍前已諭令斟酌調派該軍如尙未回蘇
卽著飛調由雲霄取道嘉應進剿康國器等軍著左宗棠飭令會
合攻剿毋任再有竄突霆營叛勇復由江西邊界竄入廣東和平
龍川之江廣亭並擾及興甯屬之十三都司等處數不盈萬時思
歸入逆股見經該督撫飭令黃添元等移紮老隆等處絕其內犯
及回竄之路又令方耀抽撥勁旅親赴龍虎墟會商吳贊誠等乘
該匪初至亟圖撲滅匪數無多諒不難一鼓殄除斷不可令其勾
結凍逆大股致成不了之局該匪等或江或粵剽疾兇狡見在江
境是否肅清如有遺孽著孫長絨飭令地方文武接剿並令席寶
田王開琳等軍出境防剿毋任回竄將此由六百里諭知恩麟左
宗棠徐宗幹郭嵩壽並傳諭孫長絨知之○廣江蘇江都縣學額

四名甘泉二名廣東山水二名○己酉諭軍機大臣等都察院奏
據山東館陶縣武生李金鐸呈控該縣匪徒路思田等係賊首蘇
洛坤門徒曾隨宋憬詩謀反經地方官拏獲尙未懲辦見聞宋憬
詩投入髮賊將次渡河回擾東省路思田張天成等復與句結暗
通消息等語東省伏莽甚眾宋憬詩以漏網渠魁復思句結滋擾
蓄謀殊爲兇譎著閭敬銘按照李金鐸所控情節嚴密確查如果
屬實卽將該匪徒路思田等上緊緝拏盡法懲治仍嚴飭東境在
防員弁實力堵截毋任賊蹤回竄以戢奸宄而遏亂萌原呈鈔
給閱看將此諭令知之○諭有人奏陝西藩司林壽圖莅任兩年
諸務廢弛終日燕處衙齋沈湎於酒本年春間在福建會館邀集
同官演戲數日巡撫劉蓉初任封疆公事尙多未諳凡有舉劾半
聽該司而該司以此得意任意施爲以致參劾不公物議騰沸省

中編造長聯內有木偶中丞奸雄方伯之句並有誹謗詩詞到處傳誦又有人奏劉蓉於蔡壽祺一案回奏摺內大言不慙有乖臣禮且摺內申明從前胡林翼密保之詞忘其洩漏之罪請嚴懲辦各等語陝西省甫遭兵燹滿目瘡痍撫藩大吏自以奠安民生經營善後爲急務若如所參林壽圖各節但以飲酒宴會爲樂於招撫開墾一應善後事宜並未興辦殊屬大負委任劉蓉林壽圖在陝有無廢弛公事貽誤地方之處著瑞常羅惇衍秉公嚴密訪查據實具奏至劉蓉於蔡壽祺一案覆奏摺內詞意失平近於負氣曾於本年四月奏到之日明降諭旨申飭其非惟據參從前胡林翼密保該撫之語該撫何以知之甚詳敘入覆奏摺內其聞自何人何處洩漏並著瑞常羅惇衍查詢具奏原摺二件均著鈔給閱看將此密諭知之○諭玉明等奏盜匪回竄調兵剿捕一摺榆樹

臺聚匪北竄毛家大城等處復折回吉林境界向伊通河竄逸其
前在小城子擊敗之匪由楊樹河子竄出邊外協領恩科帶兵尾
追玉明等復添派佐領叢登甲等馳赴英額邊門一帶迎頭督剿
著卽責令派出員弁認真剿洗不准稍涉鬆懈並令恩科等於兩
省接壤地方及威遠堡沿邊實力截擊毋任一名漏網並知照蒙
古吉林各地方一體兜拏會剿該將軍等身任重寄務須力圖振
作以清盜源如所派兵弁玩視捕務日久無功卽著指名參辦儻
再令回竄擾害惟玉明等是問將此各諭令知之○諭勞崇光等
奏天柱縣城復被賊陷與楚軍會籌剿辦情形等語貴州天柱縣
城自上年十一月收復後本年二月復被賊陷分股出竄楚師會
靖兩營同時敗潰賊遂麇集梗洞牛場偪近靖州會同縣地方大
肆焚掠經都司吳勝金會合楚軍疊破牛場北嶺等處踞賊進取

縣城賊始棄城而遁該匪來去無常伺隙復熾總緣黔省官軍兵力單薄未能大挫兇鋒以致縣城屢失楚邊亦警報頻仍見在湖南東路之防禦已稍鬆自應厚集兵力越境會剿以期一勞永逸著李瀚章飭令周洪印分撥楚軍進紮黔境南洞長吉瓦寨木樑一帶以剿爲防妥籌進取如兵力不敷迅卽添兵赴援毋得稍分畛域並著勞崇光張亮基督飭本省防兵聯絡楚師力籌夾擊儻徒恃客兵毫不自知振作致令地方旋復旋失竟同兒戲該督撫等自問所司何事吳勝金駐防天柱何以並不固守分兵進屯邦洞致爲賊困復失縣城是否聞警移軍遁詞掩飾著勞崇光張亮基查明參辦將此由六百里各諭令知之○雲貴總督勞崇光等奏報川黔官軍會同收復正安州得旨仍著該督撫嚴飭在事文武會合川軍迅將綏陽大定一帶賊氛掃蕩毋稍鬆勁○以曾國

荃爲山西巡撫

前浙江巡撫

○官軍復貴州黔西州城予傷亡知州夏

成業祭葬世職復陣亡已革知縣吳澄原官于世職○予貴州陣

亡總兵官江有貴祭葬世職○庚戌諭軍機大臣等有人奏興京

重地馬賊猖獗擾及陵寢一摺據稱興京城西十里有東西二

堡均距永陵不及半里本年四月間突有馬賊一百五十餘名

由鐵嶺開原一路焚掠五月初九日在興京廳城東新兵堡勒索

鋪戶錢二萬九千貫並搶去永福當本架貨錢四千餘貫附近人

民聞風惶恐老幼男婦紛紛逃匿致陵內享殿碑樓等處擁擠

人滿初十日賊眾直撲陵街並用言嚇索錢文三萬五千貫復

於十一十三等日在葦子峪嶺廠杜姓伙房等處勒索鋪戶錢文

毆斃差役滋擾清河城一帶地方委員毓魁追及失利賊又折回

托伙洛地方經鐵嶺知縣瑞福等督帶兵役團勇擊賊先勝後挫

陣亡官兵十餘被搶槍礮火藥多件居民房屋俱被焚燒匪眾由英奇門而遁見赴花園一統河等處藏匿並未大受懲創等語覽奏實深詫異盛京吏治捕務廢弛日甚屢經飭諭該將軍等實力緝捕認真整頓若如所奏賊匪明目張膽肆行無忌竟至震及

陵寢並有 永陵祭品於去臘被搶一次之語種種情形實堪髮指該將軍等於此等重大情事並未據實奏聞一味玩忽顧預殊堪痛恨著單懋謙卽行馳往興京按照原奏各情詳細確切查明據實具奏事關重大諒該尙書必不敢一字諱飾代人受過自干重咎也原摺著鈔給閱看將此由四百里密諭知之○辛亥曾國藩喬松年奏前以賊眾全萃皖境臣曾國藩於五月二十九日馳抵臨淮與臣喬松年往返函商分飭各軍合力進剿自二十七日攻克高鑑集後雉河聲息已通英翰派隊滾營前進並募敢死士

卒突圍而入馳書雒河守將屬其忍飢堅守連日黃秉忠冒雨出隊小有斬擒六月初二日周盛波統帶盛字六營周盛傳統帶傳字三營齊至高鎭集與英翰會商進兵之策雒河集在渦河之南賊於兩岸水淺處搭造浮橋深溝高壘爲南北合圍之勢其在南岸者以賴汶洗牛洛紅兩股爲最著其在北岸者以張總愚任柱兩股爲最著而數十里助逆之圩蟻附蠡屯不可數計於是分兵合剿英翰等軍從南岸進周盛波等軍從北岸進而以易開俊一軍畱駐西洋集專顧後路計議已定周盛傳先率所部直攻河北方家賊圩一戰破之進逼李家賊圩紮營該處與任逆所踞席圩相離三里任逆大股來撲周盛傳督率遊擊楊安典等帶領洋槍隊往來馳突連破北岸賊圩四座英翰在南岸同時會合張得勝康錦文等攻破賊圩數座兩岸併進勢如破竹自有北捷南北兩

岸賊勢頓衰我軍勇氣百倍初三日天甫向曙據擒賊供稱牛洛紅於二鼓拔隊有欲襲後路之信英翰知其詐一面飛檄嚴防一面會同克蒙額康錦文督軍前進張莊之賊先遁王圩繼之縱橫埽蕩轉戰無前北岸則周盛波派軍先克楊圩後破馬樓大軍齊至席家樓該處離雉河不及五里任逆率其悍黨死戰周盛波派總兵周壽昌劉啟福等分敵東西兩路之賊而自率親兵指揮策應周盛傳直擣中堅張得勝從旁夾擊排礮雷轟賊馬驚逸附近從逆各圩一開而散張總愚復自龍山率賊數千從東北撲來經周盛波奮擊該逆奪路狂奔雉河官軍望見援軍已到程文炳等自南路衝出史念祖等從北路衝出填平賊濠內外夾擊賊勢不支紛紛潰散先是劉銘傳一軍於閏五月十八日自濟甯拔營倍道疾行二十四日卽抵徐州臣曾國藩令由濉溪口一路進剿亦

於六月初二初三兩日力破崔家樓孫家寨等處石弓山龍山之賊悉數自潰該軍不期而至賊眾聞風膽落而豫省派來之宋慶張曜兩軍從亳州一路進剿力解義門集之圍進紮距雒河十八里之余樓地方遙爲犄角聲勢益壯三路環偪賊遂於初三日分路逃竄雒河之圍立解據英翰稟稱該逆由雒河迤西分南北兩路狂竄張得勝帶隊向北路追剿史念祖等帶隊向南路追剿皖軍躡其後豫軍扼其前此後剿辦較可得手此次剿賊出力之安徽布政使英翰遇缺提奏提督周盛波張得勝副都統克蒙額均係帶兵大員應如何獎勵之處出自 聖裁其英翰等所部各將相應開列仰懇 天恩俯准給予獎勵其餘出力員弁可否由 臣等查明專案奏獎之處伏候訓示遵行 臣國藩擬俟布置稍定仍卽馳赴徐州 上諭軍機大臣等見在任柱張總愚股匪已由商

邱柘城竄至太康縣屬之安平寨馬廠明光集等處向正南西南一帶紛竄邊馬擾及睢州界內是逆匪已繞出官軍之前鋌而走險且賊騎我步遲速懸殊剿辦殊形棘手吳昌壽見檄張曜等軍由鹿柘緊躡賊蹤相機繞擊令陳國瑞截賊北竄而自畱省垣力固根本所籌均合機宜卽著督飭張曜等繞出賊前遏其西竄黃河防守事宜並著會同張之萬妥籌兼顧毋稍疏虞曾國藩所派追賊之張得勝史念祖等軍見在行抵何處著卽飛飭前進會合豫軍兩面夾擊惟豫省四達平原利用騎戰曾國藩當添撥在營馬隊跟蹤追剿方不至著著落後其牛落紅等股想尙屬集皖境卽著曾國藩喬松年派兵剿洗並於潁州等處扼要嚴防毋爲賊所牽掣賊匪大股西竄曾國藩擬仍駐紮徐州恐於調度一切鞭長莫及應否相機前進之處著斟酌辦理軍情瞬息萬變該大臣

有節制三省之權責無旁貸想能熟籌妥辦仰副委任賊供有欲西竄鞏汜一帶直撲潼關圖竄三秦等語豫省兵力無多張曜等軍又成尾追之勢若非重兵迎頭攔擊則中原之禍正未有艾著官文鄭敦謹迅速派撥勁兵越境赴豫截遏賊匪西竄之路儻敢畛域攸分致匪蹤擾及秦晉必惟官文等是問虎牢關老犍坡等處爲入陝要路吳昌壽務當派撥兵勇督飭鞏汜地方官聯絡紳團嚴密扼防並於陝州閿鄉一帶節節設防杜其竄秦之路潼關爲陝省門戶著劉蓉趕緊派撥重兵力籌防堵並於商雒一帶分兵扼守要隘以防賊由旁路趨入武關至風陵茅津渡一帶爲秦晉交界要隘亦著劉蓉王榕吉派兵嚴防互相聯絡毋令賊蹤竄入其澤潞一帶如風門坳等處隘口均著王榕吉逐一嚴防不得稍形鬆懈晉省地方富庶賊匪覬覦已久王榕吉於地方軍務責

無旁貸務宜慎益加慎妥籌布置以固疆圉曾國藩片奏請將陳州存銀二十萬兩分爲四處勻濟等語卽著照所請行惟前因河南餉需支絀曾諭令於歸陳兩處存餉內提用銀十五萬兩見在陳州存銀內僅分給五萬兩尙恐不敷卽著曾國藩吳昌壽查明歸德存銀尙有若干儘數提歸豫省應用曾國荃已簡授山西巡撫曾國藩當屬該撫勉圖報效作速赴任毋以病辭將此由六百里諭知官文曾國藩喬松年吳昌壽鄭敦謹劉蓉並傳諭王榕吉知之○瑞麟郭嵩燾奏凍逆盤踞鎮平縣城分擾平遠屬之大柘等處總兵方耀帶兵進剿逼近賊營逆目朱懇隆率親黨一百餘人潛赴鄧安邦營盤求撫吳贊誠等受之並詢知石正踞逆自安仁至老墟連營十餘座在坑口堅築大巢豎柵挑濠賊氣已餒利在速攻閏五月十五日約會各營出隊分路進攻賊勢敗退我軍

追擊三十餘里斃匪二千餘名落崖墜澗者無數乘勝將超竹大
柘兩處賊壘平毀斬馘甚多平遠縣境業已肅清鎮平濂逆大股
勢成孤立亟應乘此聲勢四面會剿此時郭松林楊鼎勳兩軍雖
經咨調亦無到粵確期而事機緊急深慮稍涉延宕致長寇心見
飭李福泰迅籌規復鎮平至嘉應東路有翟國彥二千餘人駐紮
輔以康國器一軍可以由東路進攻方耀鄧安邦等軍漸由石正
大柘等處出鎮平之西相機會剿臣等一面飛咨江省迅飭防軍
堵截扼其西竄長甯安遠之路以免繞越延蔓至霆營叛勇困守
十三都司築圍自固卓興見駐興甯縣城卽責令剿辦此股鄭紹
忠近在長樂亦可遙爲聲援杜其回竄朱懋澧尙知順逆應准其
投誠改名朱朝安畱營效力上諭濂逆大股盤踞鎮平縣城分
黨擾及平遠縣屬經方耀帶兵進剿連將石正超竹大柘等處賊

壘埽蕩淨盡平遠縣境一律肅清勦辦甚爲得手見在濂逆踞鎮平其勢已成孤立亟應乘此聲威盡殲醜類著瑞麟等飭令李福泰迅籌規復毋失事機惟該逆死黨尙眾必須四面兜勦方能一鼓蕩平康國器等軍前經左宗棠派赴嘉應進勦著卽會同翟國彥一軍由東路進攻與方耀等西路之軍同時並進自可聚而殲旃其長甯安遠一帶尤恐該逆繞越著孫長紱飭令劉興王開琳兩軍由贛州一路移軍前進以勦爲防期與粵軍併力夾擊高連陞等軍卽著左宗棠檄令由武平赴粵會勦其郭松林楊鼎勳兩軍如尙未回蘇瑞麟左宗棠等卽可遵照前旨飛調該軍由雲霄取道前進以期後集兵力該督撫等務當不分畛域迅奏膚功投誠之朱恩濫准其更名朱朝安畱營效力仍著瑞麟等隨時防範毋稍大意違營叛勇困守十三都司築圍自固瑞麟等見已責

成卓與勦辦此股並有鄭紹忠遙爲聲援不難撲滅儻任其竄逸或煽惑土匪再肆鴟張卽惟卓興等是問瑞麟等另片奏開平土民復有聚眾往攻赤水客民之事見派郭祥瑞前赴肇興府屬查辦等語那扶金雞赤水等處客民既經安插何以開平土民復行起釁著瑞麟等飭郭祥瑞體察情形妥籌辦理冀息爭端儻有不遵約束恃強抗違無論爲土爲客均著一體懲辦毋稍遷就將此由六百里諭知瑞麟左宗棠徐宗幹郭嵩燾並傳諭孫長紱知之○廣浙江縉雲縣學額三名○予浙江殉難知府豫立等祭葬世職○壬子諭軍機大臣等恩麟奏岷州回逆變亂分股竄往洮州並探聞哈密失陷各摺片甘肅岷州城垣於閏五月初六日突被外來回匪千餘人竄入將署知州增啟戕害旋於初八日出城竄往洮州該州回弁李發珍丁永安等亦麇聚死黨占踞洮城甚爲

猖獗亟須添撥重兵勦辦前據楊岳斌奏報於閏五月初一日起程取道涇州此時何以尙未到省殊屬玩延著卽懷遵前旨星速馳赴蘭州將該省應辦軍務地方各事宜妥籌迅辦切勿遷延不進貽誤事機洮州回氛甚熾陶茂林等軍俱爲近省賊勢牽掣未能調撥著楊岳斌恩麟卽飭張華所部階州得勝之師會合趙桂芳勇丁馳往洮州併力圍勦迅殲醜類甯夏賊勢已蹙雷正綰軍已偪靈州著都興阿穆圖善雷正綰迅將甯靈各城攻撲以孤賊勢見在探聞哈密已陷逆蹤愈形蔓延著成祿聯捷迅帶所部進勦肅州踞匪卽行取道出關蘭州省防及各要隘並著都興阿楊岳斌等籌撥弁兵隨時兼顧仍飛飭成祿等軍尅期出關進勦文麟駐紮奇台一帶距哈密較近著探明匪蹤實力防勦洮州逆弁李發珍丁永安等並著楊岳斌督飭各軍嚴密查拏懲辦署知州

增啟被戕及岷州文武官紳眷屬被害各確情著恩麟查明彙呈
楊岳斌迅速馳奏哈密變亂情形及扎克當阿等下落並著都興
阿楊岳斌文麟等確查迅奏將此由六百里諭知都興阿穆圖善
雷正綰楊岳斌成祿聯捷並傳諭恩麟文麟知之○甲寅諭內閣
朕奉 慈安皇太后 慈禧皇太后懿旨科爾沁博多勒噶台親
王僧格林沁自咸豐三年督軍勦辦髮逆綏靖畿疆復於十年統
師南下轉戰直隸山東安徽河南湖北等省疊平逆首張落刑苗
沛霖等巨股掃蕩羣兇殊勲懋建實爲有功國家之臣前已加恩
配饗 太廟以示優崇因思我朝歷屆辦理軍務凡功勲卓著之
臣均以告成以後圖像紫光閣以彰懋績見在南北各路軍務雖
未告蒞而如僧格林沁之勲績昭然本應在繪像之列今乃中道
戰歿未獲目覩成功追念忠良彌深眷注僧格林沁著先行繪像

紫光閣並著南書房翰林撰擬贊詞以示表揚忠烈垂諸久遠至
意○諭軍機大臣等孫長絛奏逆匪竄擾長甯縣境旋經官軍擊
退一招興甯逆匪竄入江西長安縣境之畱車墟經江軍擊退賊
向廣東龍川縣上坪墟一帶竄去銓字營隨同周寬世等力戰卻
賊不無微勞足錄著准孫長絛擇尤保獎毋許冒濫見在賊眾數
萬嚮聚龍川毗連鎮平與定南龍南相距均不甚遠霆營叛勇若
與合股賊餒益張設被往來竄越則勦辦更形棘手孫長絛已飭
席寶田周寬世等軍合力堵禦卽著督飭該臬司等以期爲防毋
任該逆繞越王開琳一軍新湘營旣須整頓老湘營何以亦有索
餉爭鬧情由著左宗棠迅速籌發該營餉項以固軍心孫長絛卽
飭王開琳趕緊整頓隊伍尅日到防由贛州一路督軍前進與粵
軍併力夾擊共殄窮寇粵境賊氛正熾著瑞麟郭嵩燾懍遵前旨

催調各省援軍會合本省之兵四面兜擊迅拔鎮平縣城剪除巨
憖母令賊蹤紛竄更益蔓延將此由六百里諭知瑞麟左宗棠徐
宗幹郭嵩燾並傳諭孫長絨知之○諭都興阿等奏官軍攻剿竄
踞各逆續獲勝仗見籌布置情形一摺甯城踞逆經官軍疊次懲
創並失西門橋要隘勢已窮蹙惟南路一面尙未合圍難保不由
此竄遁都興阿等見擬將賊匪所決之水宜洩疏通卽於南路扼
紮數營截斷援賊所籌尙合機宜卽著該將軍等激勵將士迅速
進攻四面合圍將此股醜類聚而殲旃毋得稍有疏虞致賊匪銜
而走險又形滋蔓靈州大水阮一帶踞逆時擾定邊阻截餉道其
謀甚狡都興阿等當調撥勁兵通道運餉毋令後路稍有疏失中
衛城圍雖解而匪蹤飄忽仍恐去而復來雷正綰當督飭各軍節
節進剿與梁生嶽等軍聯絡一氣兩面夾擊毋失事機穆圖善片

奏請飭阿拉善王貢桑珠爾默特鄂爾多斯貝勒扎那吉爾迪各
旗備辦駱駝一千隻作爲轉運軍糧之需卽著都興阿傳知該王
貝勒等如數豫備俾資轉運將此由六百里各諭令知之○飭四
川月撥銀一萬兩濟穆圖善軍餉○廣江蘇寶應縣學額五名安
徽宿松六名望江二名○予甘肅陣亡副將陳東霖遊擊袁世林
祭葬世職○乙卯諭軍機大臣等駱秉章奏官軍攻剿滇黔各匪
續獲勝仗一摺總兵李有恆一軍攻剿滇境之花椒崗等處賊巢
連獲勝仗攻破崗寨將逆首卓洪堃等擒斬餘黨殄滅無遺副將
許蔭棠迎剿滇省苗號各匪屢挫賊鋒剿辦甚屬得手所有在事
出力員弁團勇著駱秉章查明彙案保奏候旨施恩黔匪旋滅旋
起必應次第戡定方能永絕亂萌見在劉嶽昭已統所部入黔攻
克正安州城進規桐梓綏陽等處翼解遵義之圍著駱秉章卽飭

該藩司乘勝進兵節節掃蕩張亮基恪遵疊次諭旨迅速派兵會剿以收夾擊之效不得專恃川兵自甘頽靡駱秉章仍當於階州撤回各軍內酌量調遣分道出師先清黔邊之患其許蔭棠一軍應由何路進剿黔匪之處並著妥籌調度毋失機宜勞崇光前已有旨催令赴滇卽著迅速起程毋稍延緩將此由五百里各諭令知之○諭察哈爾官馬五百匹赴直隸軍營○駱秉章奏擒獲疊擾湖南湖北安徽河南等省首逆僞啟王梁城幅等訊明就地正法報聞○丁巳諭內閣御史穆緝香阿奏請慎選侍御僕從一摺前代闔寺之患史不絕書我兩宮 皇太后垂簾以來恪遵家法曾明降諭旨飭總管內務府大臣隨時稽察茲覽該御史所陳深得履霜堅冰之意仍著認真查察如有此等便僻側媚之輩卽據實直陳嚴加懲辦用副朝廷遠佞閑邪至意○諭軍機大臣等文

麟奏賊匪束犯奇台失守請將各員分別查辦並聞哈密被陷及
回目投誠各摺片逆回糾大股東犯官軍在三臺接仗先勝後挫
旋因眾寡不敵致奇台縣城失守文麟退紮巴里坤復聞哈密失
陷見在招集兵勇約有三千餘眾擬設法先攻哈密以通糧道卽
著文麟與訥爾濟會籌進剿奇台哈密並陷文麟一軍孤懸坤城
亟須關內重兵馳往助剿成祿聯捷所部均在蘭垣一帶爲近省
回勢所牽必須楊岳斌到省布置諸軍始可剋期前行著楊岳斌
懍遵前旨星速赴省籌辦卽飛檄成祿聯捷統帶各營進剿肅州
踞逆通道出關卽赴哈密援剿毋許稍涉延緩都與阿穆圖善雷
正綰當懍遵疊諭迅拔甯靈兩城卽可酌撥兵勇協同成祿等軍
節節掃蕩以壯聲援鶴齡等軍見在何處並著都興阿楊岳斌恩
麟等檄催前進文麟自請治罪之處著加恩寬免縣丞陶珥署迪

化州知州孔昭恆於奇台失守後不知去向著文麟嚴密查拏解交刑部治罪陸布沁阿喜爾回目等赴文麟軍營投誠並願幫同打仗著文麟妥爲駕馭以堅其向化之忱所請將甯夏將軍印務交常興暫行護理卽著照所請辦理湘果右營前據駱秉章奏業已遣撤不能派赴甘省並據奏稱臬司林之望所部勇丁多係秦隴土著樸實耐苦進攻階州等處深資其力都興阿雷正綰楊岳斌等兵力如尙不敷卽著就地選募較之客勇尤爲便捷前據劉長佑奏雷正綰派赴直隸招募馬勇之總兵魏得春等潛行出口不服盤查並縱勇滋擾當經降旨令雷正綰查明參辦該署提督務宜破除情面從嚴懲辦以儆效尤毋稍回護扎克當阿等下落仍著文麟查明具奏將此由六百里諭知都興阿穆圖善雷正綰楊岳斌成祿聯捷並傳諭恩麟文麟知之○戊午諭內閣前因曾

國藩等奏請將蘇松等屬地漕錢糧一體酌減當經諭令戶部妥議具奏茲據奏稱漕項一款額徵正銀六十餘萬兩實爲辦運要需歷屆海運成案除動支漕贈等銀外尙須另提津貼若將漕項隨同正漕覈減必致運費不敷多提津貼助用是減一分漕項卽增一分津貼於民生仍無裨益至地丁一款額徵正銀一百四十餘萬兩該省每歲支銷各項及一切水旱賑恤等款咸取給於此今若減去二成僅歲存一百十餘萬兩以蘇藩之財供蘇省之用尤虞不給而部庫提項鄰封協濟又難保其必無轉輸無術必致另設名目重困閭閻與其迫民閒以額外之追呼何如還民閒以分內之輸納等語所奏係屬實在情形蘇松田賦最重至我朝酌中定則並兩次豁除浮糧六十五萬兩上年蘇省底定復永減漕額數十萬石所以軫恤黎元者無微不至今曾國藩等所請地丁

漕項併減二成之處如果損上益下有裨民生亦何忍屯此膏澤
第國家制用有常總當通籌全局量入爲出方可行諸久遠况恤
民之政不在減定額而在裁浮收上年左宗棠奏杭紹嘉湖四屬
地漕銀一百八十二萬餘兩覈減浮收銀五十七萬餘兩之多可
見該地方官平日違例取盈重爲民困曾國藩李鴻章等惟當於
蘇省地漕等款仿照浙省辦法斟酌情形覈實刪減浮收庶民力
可望日紓而正供不至虧缺其如何酌量刪減之處卽著該督撫
等迅速籌辦妥議具奏再聞蘇省徵收銀米向有大小戶名目輕
重不均最爲漕糧積弊推原其故總緣州縣官違例浮收地方紳
衿得以挾持短長包完短交流弊百出而馴良之戶則官吏任意
抑勒以爲挹彼注茲之計事之不均莫此爲甚並著該督撫等飭
州縣各官潔已奉公不准絲毫妄取儻仍有大戶包攬短交等弊

卽著該地方官執法嚴辦毋稍姑容○漕運總督吳棠奏見派副將吳鳳柱閃鳳來統帶馬隊仍紮濰溪口並飭各軍嚴防清淮一帶要隘得旨捻匪見雖西竄仍著飭令該副將等嚴防濰溪口肅清徐宿伏莽並嚴飭各軍扼守清淮一帶水陸要隘以防匪眾回竄毋稍大意○予陝西殉難翰林院庶吉士路桓祭葬世職○已未諭內閣宗人府奏已革貝子載華已革奉恩輔國公恩弼所遺之爵分別請旨辦理各一摺除恩弼所遺之爵已依議辦理揀選合例人員帶領引見承襲外至載華原係過繼貝勒奕綺爲嗣承襲貝子今既犯事革爵本支內別無合例承襲之人若竟停其襲封則伊祖慎靖郡王無人承祀言念及此良用惻然著宗人府於高宗純皇帝位下支派內揀選輩分相當之人承嗣奕綺其應如何襲爵之處卽著宗人府將揀選人員帶領引見照例辦理○

馬賊竄擾興京以玉明等捕務廢弛 上嚴詰之○添設盛京捷捕營官馬二百匹藍翎長八員○庚申調鍾秀爲陝西按察使陳澐爲山西按察使○壬戌以孟秋時享 太廟 上前期親詣行禮○諭軍機大臣等吳昌壽奏擒匪竄至許州西趨襄邾追剿情形各摺片捻蹤剽疾異常由扶溝等處直向西趨雖經張曜等軍跟蹤緊躡於許州進擊獲勝逆眾並未大受懲創吳昌壽見令陳國瑞一軍與張曜合力追擊著卽嚴飭該總兵等奮勇進剿毋稍停緩賊已徑趨襄邾西近汝洛北近禹密等處恐其由此路撲犯秦晉吳昌壽已派譚仁芳督帶楚勇四營馳赴河汝交界之臨汝白沙等處擇要駐紮務當飭令繞出賊前與張曜等追師兩面夾擊並飭扼守虎牢關之副將徐邦道嚴密堵遏老犍坡一帶亦須加意嚴防以杜賊匪竄擾秦晉之路洛河等處船隻前據吳昌壽

奏稱業已提歸北岸著卽督飭地方文武實力奉行不得有名無實賊匪志在窺伺秦晉陝州一路該撫亦應豫籌防範黃河南北兩岸尤須加意嚴守儻賊蹤竄渡北岸則晉省澤潞邊隘處處喫緊勢將防不勝防吳昌壽責無旁貸自應設法力籌防守並速辦礮船梭織巡邏毋任搶渡是爲至要潼關守禦卽著劉蓉趕緊派撥重兵駐紮以備迎剿風陵茅津渡一帶爲秦晉兩省要隘劉蓉王榕吉仍當懍遵前奉諭旨會督兵勇嚴密防守澤潞兩郡山口要隘王榕吉當添籌得力兵將分防務須愼益加愼不可稍涉大意至襄邾西南路通宛郡與商雒一帶毗連武關要隘旣須扼守南山興安商州等處亦須豫籌兼顧著劉蓉分派兵勇於秦豫交界處所擇要防堵毋任賊匪闖入邊境前經諭令官文鄭敦謹派兵越境赴豫迎擊著卽懍遵前旨迅撥得力將士由襄鄧等處馳

赴南陽會同豫軍合力夾擊不得稍分畛域遲延觀望致干咎戾
賴汶洸任柱等股匪續由太和邊境竄入淮甯盤踞焚掠吳昌壽
見派李世玉等帶兵由省馳援陳郡著卽飭令實力剿除以清後
路擒逆股匪由皖竄豫喬松年何以並不派兵出境跟追如果尙
有畛域之見卽屬有負委任見在髮逆股匪麇聚豫疆該省兵力
不敷剿辦著會國藩喬松年迅飭張得勝史念祖等軍馳赴豫省
會合李世玉等將賴汶洸等股匪剿除淨盡並著會國藩添派官
軍並飭副都統托倫布富森保等馬隊星馳前赴吳昌壽軍營聽
候調遣其春壽及烏爾圖那遜兩起馬隊亦著會國藩喬松年速
飭赴豫助剿毋稍遲緩皖北是否尙有踞匪官軍見在剿辦情形
若何及如何布置一切情形卽著迅速馳奏此後皖鄂防剿事宜
官文等當隨時具奏毋得仍前濡緩致朝廷久深股盼會國藩並

著遵奉前旨酌量情形擇要前進駐紮以便就近調度吉林黑龍江等處馬隊調赴各路軍營爲數過多屢據該處將軍等奏稱邊防緊要兵力空虛請停調撥吳昌壽所請令善慶前赴吉林等處挑選兵丁二千名之處勢難允行著卽飛提曾國藩軍營及喬松年所部馬隊赴豫分撥調度相機勦辦並就地添練馬隊以期制勝所請於陳州款內提用銀十五萬兩之處見在賊勢趨重豫省該處軍餉較他省需用尤急著曾國藩卽行如數撥給俾無缺乏將此由六百里諭知官文曾國藩喬松年吳昌壽劉蓉鄭敦謹並傳諭王榕吉知之○諭瑞麟等奏漣逆攻撲嘉應州屢經官軍擊退見在移軍進剿張凱嵩奏遵飭劉坤一迅赴新任南甯一軍暫行遴員接統各一摺漣逆大股麇聚鎮平乘虛竄擾嘉應分撲白渡石峰徑兩處營盤經方耀等軍馳往援剿連獲勝仗該逆全數

退回鎮平方耀全軍見已進紮新鋪墟漸薄鎮城力圖攻勦卽著瑞麟郭嵩巒督飭該總兵等統兵進剿迅拔堅城盡殲醜類康國器所部閩軍自松源移赴嵩山瑞麟等已派鄧安邦等軍徑抵嵩山以爲閩軍嚮導卽著左宗棠徐宗幹檄飭康國器會合粵軍節節進逼將鎮城踞匪悉數掃蕩以清餘孽郭松林楊鼎勳所部蘇軍如尙在閩境並著左宗棠飭令速赴嘉應會合進剿不可稍分畛域致誤戎機前據瑞麟等奏霆營叛勇已困守十三都司何以此次又與花旗合股擾及平越汶水等處可見卓興等剿辦不力致被賊匪竄突瑞麟等務當嚴飭卓興鄭紹忠等軍實力兜剿毋稍鬆勁並著孫長紱嚴飭在防各軍併力堵剿毋任竄越霆營叛勇等股尙在長甯龍川一帶江西軍務喫緊劉坤一自應遵旨赴任以資調度張凱嵩見派同知劉培一接統南甯軍務並派知府

覃遠璉幫同辦理卽著張凱嵩將南甯一軍暫交該員統帶妥籌
攻勦提督馮子材前已飭赴廣西本任見在諒已啟行著瑞麟郭
嵩燾催令該提督迅速前進俟馮子材到後卽著張凱嵩將南甯
一軍交該提督總統以一事權將此由六百里諭知瑞麟左宗棠
徐宗幹劉坤一張凱嵩郭嵩燾並傳諭孫長紱知之○諭訥爾濟
奏奇台哈密失陷巴城孤危請兵救援並扎克當阿戰亡見籌攻
守各摺片成祿奏新疆事棘請旨飭撥兵餉俾得迅速西征一摺
奇台哈密失陷賊勢鴟張巴里坤滿漢二營兵丁僅有一千餘名
文麟招集民勇亦不足一千之數訥爾濟文麟見擬統帶兵勇進
規哈密以勦爲防第兵力太單若非關內大兵剋日赴援恐情見
勢絀巴城亦難保守成祿已抵蘭州卽可督兵西進趕緊出關前
經諭令雷正綰酌撥劉正高七營歸成祿調遣卽著迅速撥往以

厚兵力該營糧餉並著楊岳斌督同恩麟籌款給發毋令缺乏其
成祿見帶之馬天祥趙德正二營前曾諭令恩麟籌發餉銀何以
兩月之久尙未支給分釐著楊岳斌恩麟迅籌給發不准再事延
誤聯捷行抵何處未據奏報著卽剋期前進與成祿合兵一處早
日出關毋得稍涉遷延都與阿穆圖善雷正綰當懷遵疊次諭旨
迅拔甯靈兩城卽可酌撥兵勇協同成祿等軍節節掃蕩以壯聲
援儻該將軍等以出關爲畏途致甯夏等城久稽克復必治都與
阿穆圖善以糜餉老師之罪決不寬貸前據廣鳳等奏蒙古官兵
未習戰陣又無應手利器勢難再行撥調等語所奏係屬實在情
形訥爾濟擬調烏科蒙兵三千之處恐亦無濟於事訥爾濟文麟
惟當就見有兵力相機防剿以保危城其扎克當阿戰歿情形並
著查明迅奏前據恩麟奏稱探聞嘉峪關收復餘賊併歸肅州近

日黎獻一軍進剿情形若何林之望一軍見抵何處著楊岳斌恩麟催令督隊前進會合黎獻所部迅將肅州踞匪撲滅以通關內之路見在哈密既經失陷賊氛去關甚近若再與關內之匪勾結一氣勦辦更形棘手楊岳斌此時計可抵省著卽將關內關外情形熟籌布置其應如何調撥兵勇之處咨商都興阿穆圖善雷正綰迅速籌辦不得互相推諉致有顧此失彼之虞新疆餉銀疊經戶部奏撥除山西等省之餉均由綏遠城出口解往烏里蘇台城轉運外其四川應解餉銀十六萬兩本令由甘肅解往著楊岳斌咨催駱秉章迅速撥解卽作出關兵餉之用至湖北等省協解甘餉前經奏定數目卽爲有著之款並著楊岳斌分別催提以咨分撥甯靈一帶賊勢甚重且有東竄之意定邊花馬池一帶防務尤爲喫重都興阿雷正綰務當先其所急派撥勁旅會合翁同書所

帶之兵實力截剿不得任其偷竄能將後路肅清於進剿甯靈亦可無虞掣肘該將軍等當善體此意妥籌辦理訥爾濟文麟另摺奏稱若欲剿滅新疆回匪必須數十萬精兵百千萬帑項尙須數年征殺數年教養請飭王公大臣九卿科道等熟思妥議應緩應急之處等語新疆回匪變亂自應急籌剿辦有何可緩之處訥爾濟等所奏不知其是何居心實屬糊塗冒昧此後如不盡心竭力勉任其難必重治訥爾濟等以推諉貽誤之罪扎克當阿四月初二日所發摺內有都司鍾齡業經遵旨正法等語所辦甚是至縣丞陶珣署迪化州知州孔昭恆並著於拏獲後就地正法其烏城失守案內之知縣文光裕厚見在有無下落並著查拏研訊遵照前旨辦理將此由六百里諭知都興阿穆圖善雷正綰楊岳斌成祿聯捷訥爾濟並傳諭恩麟文麟知之○廣西巡撫張凱嵩奏俘

東坡全集
獲逆首霍十八等正法報聞